

Zud Mbede ká Zud daa

Bay ká se tul feri ká do bil mbede ni key

Mbede key na, Zude daa ha nzoɓ mbika lawri bay bákake ri bay ká se tul nzoɓ law ndayari ká i dī sùo-ri ba nzoɓ mbika law taa tusuɛkeri. Nzoɓkeri ku na, i fere tusuɛ bay Ngerewuru i yóklóke kér bay nzoɓri báy faa fe fere bari ká yaa zad. Nzoɓ daa mbede key na daa wàra fo bil law nzoɓ mbika lawri bay haɗa ri káw tul tusuɛ bay ká nzoɓ ndáy nzaapedri fere ri na. Ka hii bay haɗa ri so kị báy faa hurusuo Tem Law Pie.

Bay ká bil mbede Zude key na, ruokeri ri bay ká do bil mbede 2 Piyer 2.

Máa bayri ká do bil-e

Nzoɓ fe fere bayluri, báy fe seke ká'a tji tul-ri:

1.1-16

Mgbaka mbika law báy law ini Ngerewuru:

1.17-23

Rinɗi dika ba taa Ngerewuru: 1.24-25

Soko ká Zud hii ha nzoɓ mbika lawri

¹ Bi Zud ká mĩ ba yu Zak a mí ba koy ped Zezu *Krisi na, mĩ daa mbede key na ha bari ká Ngerewuru Baa dī ri ha ri do bil law ini be, bari ká Zezu Krisi koro ri na. ² Ndad bay haɗa kóko nun sie ndaw, dekeke ndaw, roo báy law ini ndaw na, Ngerewuru ka ha ri kay tul kị ba pola pola.

Zud baka nzob mbika lawri

³ Baarì nzob buo-iri ká mǐ kɔ rì ɓa nzob nun-i na, kɔn ɗáa mbede se tul pam ká náa mbúri kǐ mbǐw hɔy ká ɗi na ɗáa mǐ ngǐi ɓamba, roo ɛ, kér ɓay ká yɔklo mǐ na, suru mǐ ha mǐ ɗaa mbede ni key ha rǐ, mí ɗáake wàra ɓo ɓil law-rǐ ɓay haɗa rǐ rúke ruy ká se tul tusue ɓay ká náa ɗáari law naari ɓo ɗi, ká Ngerewuru ɗaa zuo nduo nzob ɓeri ba mbǐw hɔy wǔm na. ⁴ Mǐ ɗaa mbede ni key na ha rǐ, ɓay ǐi ɛ, nzob law ndaya haneri i rǐi sakra ɓaarǐ hiyaw hiyaw, í fere ɓay ká se tul law kere Ngerewuru naari ɓay zinke faa ɗáa fe ǐmri munu ká law-ri hii. Be ze i tunkte Zezu *Krisi, ɓe huɔ-ɛ ká ɓa Gaɗ Tul naari ɓáy Ngerembay naari. Bay ká mgba tul nzobkeri ku na, mbede Ngerewuru ɓaa ɓayke ɓa ɗɛ hɔy.

⁵ Ze ǐ kɔ na feri riw bele ká mǐ ɓáa ɓayke ha rǐ na kɔ hɔy kara, mǐ yǐi mí tuma law-rǐ ɓa kǐ roɓay se tul led Izarayelri ká Ngerewuru yaa ri ká ɓil koy ká tusiri Ezibte. Zadka i tunj ni ngeren ǐ ɗaa law-ri ɓo tul-e ya na, ka ɓie ri. ⁶ ǐ kér se tul led nzaaped Ngerewururi ká nulue na ǐ kɔ. Zadka i ɗaa law-ri ɓo tul hurusuo ká Ngerewuru ha ri na ya, a ǐ poɗ zad káw ɓari ká i ɗo ɗi pola gak na, ka sinj ri ɓáy sal lari a kɔɔ ri ɗo ɓil sunj tilo ká mgba kǐ ɗo nduɗ ɓanguɔ, kpuru maa ɓáy nam kúnj sal ɓay luye. ⁷ Roɓay, ǐ kér se tul fe ká kal ká puo ká *Sodom ɓáy Gomɔr ɓáy puori ká ɗo lakun-ri na ǐ kɔ*. Bari nzob puokeri ku na,

* **1:7** 1.7 ǐ kǐi Tiika saw fe 19.1-29. Ngerewuru ɓie puo ká Sodom ɓáy Gomɔr na kpukɗu kpukɗu ɓay tul simsed ká ndaya.

i dfaa nun pie báy fe dfaa žmri ká dfo nun kóko ya, faa mbjw munu ká nzob riŋ dŋikari ká nulue ká Ngerewuru biε ri ku na. I dfo bil kóko seke fe ká bil huu ká ru-ruma ya baŋguo, bay kieke fe ká'a tji tul nzobri ká i tuŋ Ngerewuru na, bo ha nzobri riw bele i ko.

⁸ Do faa mbjw munu ndaw, bari nzobri ká i riŋ sakra baari hiyaw hiyaw na, feri ká vi tul-ri ba lom na kuo ri ha ri dfaake fe dfaa kon naysuo ndaw, i žm hurusuo Ngerewuru ndaw, a i žjirike nzob riŋ dŋikari ká nulue ndaw pi. ⁹ Misel, be ká'a ba mbay mbjw munu ká tul led nzaaped Ngerewururi ká nulue hoy kara, zadka báy ngeretemndaya i vaa kji bay kóko nzob ve ze dfo báy faa bay mbika hud *Moyze na, ka mbi sùo-ε ba nzob kún bay bo tul-e a žjiri ni ya. Bay kji hoy ze ka baa ha ni mii: «Ŋgerembay ka dfaa mù ko síe†!» ¹⁰ Roo le, bari nzobkeri ku na, i žjiri fe ká i ko sawke ya, a fe ká i dfaa ba badi munu ká nay bisuyri dfaa na, ba feke na kji ze dfaa ha ri biεke sùo-ri kpukdu kpukdu. ¹¹ Kóko síe ba taa bari, bay ji le, i mbi faa ká *Kayi mbi‡. I poŋ sùo-ri i wjruke faa worok bay tul lari munu ká Balamš. I hu báy zad bari riw bele, bay ji le, i žji ká tul Ngerewuru munu ká Kore*. ¹² Dol bari ká sakra baari ku na, dfo ba fe žm ká biε káw nzaa fe sum law mbjw baari. I dfaa suoriya i su i nzo taŋ sahoj a i ker se tul-ri kji sùo-ri hoy. Bari

† **1:9** 1.9 Soro bay key na ti bil mbede Ngerewuru ya, roo le, Zibri riw bele na i ko bayke ta-taŋ. ‡ **1:11** 1.11 I kji Tiika saw fe 4.1-16. § **1:11** 1.11 I kji Ruo bari 22-24; 31.16. * **1:11** 1.11 I kji Ruo bari 16.1-35.

na, i do munu ba sii mbam ká zuu f̄a a kálke h̄on tan tókoke. I do munu ba puuri ká few lieke vi h̄oy kara lie ya. Zadka nzobri mun puukeri báy sawke nzar nzar zuo kele na, i hu le, i hu na robay. ¹³ I do munu ba nun yiw mbii luye ká nda k̄i poks̄o poks̄o a duo emri zuo kele ndoko. I do munu ba mbaymawri ká i wuru zad dol bari ká Ngerewuru koro zad ká sii a mgba k̄i do ndun ban̄guo bay tul-ri. ¹⁴ Ba d̄je lew h̄oy, Enok ká ba vu bulu kadok *Adam ká kay k̄i kay k̄i ba ton̄o sayke na, yaa bay saa nzaa Ngerewuru se tul-ri mii: «Ì laa key: Ngerembay na a vika saa nulue báy led nzaaped beri wuruk wuruk ¹⁵ bay kún sal bay zuo tul nzobri riw bele. Ka'a daa bay bo tul nzoḅ feyaari bay tul fe kaaya bari riw bele ká i daa í t̄unke Ngerewuru ngeren̄ ndaw, roo báy bayri riw bele ká i baa í t̄irike ni na ndaw pi.» ¹⁶ Nzobkeri ku na, s̄uo-ri ri ri ya a í nguri s̄uo-ri ban̄guo. I p̄on̄ s̄uo-ri í daake fe ká konke daa ri; i baa bay í siike s̄uo-ri a í ula nzobri báy nzaa raa bay bay zin̄ke fe ká luo-ri.

Nzaa boko ká Zud ha nzoḅ mbika lawri

¹⁷ Baari nzoḅ buo-iri ká m̄i ko ri ba nzoḅ nun-i na, ì k̄er se tul bay ká bari nzoḅ ndáy nzaaped Ngerembay naari Zezu *Krisi baa ha ri ká pola na. ¹⁸ I baa ha ri mii: «Óro bie namri le, nzoḅri ká i síe ri, a í daa fe ká kon daake daa ri na, i doko di.» ¹⁹ I ko, ba bari nzoḅkeri ku na ze, i daa ha téke bil k̄i do. Kon fe daa naysuo ze re mbay ká tul-ri bo, i do báy Tem Ngerewuru ya.

²⁰ A roo le, baari nzoḅ buo-iri ká m̄i ko ri ba nzoḅ nun-i na, ì se nun-ri ba pola pola ban̄guo, í

ngónke ká tul tusue bay ká ì dfaa law-rì bo dfi, í dfaa nzaa bay kere báy hurusuo Tem Law Pie. ²¹ Ì mgbá sùo-rì ngo-ngon í káwke bil law ini Ngerewuru, bo í gíyanke kumnun ká do banquo ká Ngerembay naari Zezu Krisi ha naari báy faa kóko nun síe be na.

²² Bari ká kér bay bari wàa sidfi na, ì ko nun síe bari ²³ í kúo ri saa bil huu í yaa ri. Nzob kiji kara ì ko nun síe bari ndaw, roo le, ì dfaa báy nun nzemke, bo munu ya le, ì rii bil fe dfaa yaa bari. Gari em fe dfaa yaa bari na hoy kara, ì zaa ya.

Písi Ngerewuru

²⁴ Ba Ngerewuru ká maa bay kóro rì ha rì lie ya, a ha rì *tan kad kad ká pol-e ká bil rin dika be, báy bawda suoriya. ²⁵ Be Ngerewuru ká mbiw kekkek ká yaa naari báy faa Ngerembay naari Zezu *Krisi na, ndad bay haña rin dika, báy gaña, báy hurusuo, báy réke mbay ká tul feri riw bele na ba taa be ba dje lew hoy tii timbede key, a se kpuru ba pola banquo. Amem! Ndad bay haña ni ka do munu na ki!

Mbede sáka kuni fie
New Testament in Kuo

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 22 Feb 2024 from source
files dated 29 Jan 2022

1bae8b8b-6141-55e9-b352-adf7a01da5f4